



SESOTHO A1 – HIGHER LEVEL – PAPER 1
SESOTHO A1 – NIVEAU SUPÉRIEUR – ÉPREUVE 1
SESOTHO A1 – NIVEL SUPERIOR – PRUEBA 1

Monday 8 May 2000 (morning)

Lundi 8 mai 2000 (matin)

Lunes 8 de mayo del 2000 (mañana)

4 hours / 4 heures / 4 horas

INSTRUCTIONS TO CANDIDATES

- Do not open this examination paper until instructed to do so.
- Section A: Write a commentary on one passage.
- Section B: Answer one essay question. Refer mainly to works studied in Part 3 (Groups of Works); references to other works are permissible but must not form the main body of your answer.

INSTRUCTIONS DESTINÉES AUX CANDIDATS

- Ne pas ouvrir cette épreuve avant d'y être autorisé.
- Section A : Écrire un commentaire sur un passage.
- Section B : Traiter un sujet de composition. Se référer principalement aux œuvres étudiées dans la troisième partie (Groupes d'œuvres) ; les références à d'autres œuvres sont permises mais ne doivent pas constituer l'essentiel de la réponse.

INSTRUCCIONES PARA LOS ALUMNOS

- No abra esta prueba hasta que se lo autoricen.
- Sección A: Escriba un comentario sobre uno de los fragmentos.
- Sección B: Elija un tema de redacción. Su respuesta debe centrarse principalmente en las obras estudiadas para la Parte 3 (Grupos de obras); se permiten referencias a otras obras siempre que no formen la parte principal de la respuesta.

KAROLO A

Ngola qaqiso ka se seng sa lirapa tsena:

1(a)

Empa joale ka motsotso ona, mona holim'a lithota, o ne a fokaela har'a lefifi ka kholo e tiileng ea ho re o ne a bapetse ka nako le pelo ea hae, ka ho tloha a ratile 'me a ts'epahetse ha kaalo ho Leseli. Ha a nahana ka moo eo a neng a se a mo fetohetse ka teng, a its'ela ka likhapha le ho feta.

5 Ka lebaka la lefifi le ho haelloa ke pono e nepahetseng, a tsamaea ha bohloko, a tsamaea a khets'emela liforong, moo ho leng hobe, 'me ka nako e 'ngoe a bile a e-oa Ha a il'o theohela ka nokeng ea Tsoinyane, a se a furalletse motse oa Lesiea, a thatafalloa ke tsela le ka ho fetisisa. Lifate tse atlehileng tsa cheche le tsa ts'ilabele li ne li entse moru o teteaneng, 'me li totisa lefifi le ho ts'abeha ha
10 sebaka seo. Ka nako e 'ngoe, ha a ntse a tsamaea a qoba makala a tsona, o ne a ee a utloe a se a thula lejoe ka 'moomc a be a oe fats'e, ere ha a ema moo, a o silile ka seatla, e se feela, ho le bohloko bo otlang pelo. Maqeba a ho phumoha le 'ona a ne a se a mo atetse haholo, a se a sa tsebe na o hlokomela lefe, o tlohela lefe.

15 Ha a il'o tsoela ka thoko ho moru, a se a il'o fihla nokeng, a utloa lesoahla-soahla la ntho eo ekang e ne e sisinyeha. A haroha letsoalo ha bohloko, moriri oa hae oa ba oa baleha; pelo ea hae ea tlolela holimo hoo e neng ebile eka oa bipetsoa; lehano la hae la oma ngo! Eaka le ne le sa ka la tloha le e-na le mathe ho hang. Ketsahalo ena e neng e mo ts'ositse ea mo senyetsa sebetenyana seo a neng a
20 e-na le sona, ea mo lahlisa ts'eponyana eohle ea ho re o ne a tla fihla ha habo a ntse a phela.

Ha a tloha moo a nka ka saole, a tsamaea a its'ohlometsaka le mankoaneng, a se a sa khethe moo a hatang teng. Ho matheng hoo ha hae, a utloa eka lesoahla-soahla lane le mo beile merebele, eaba o phahamisa litlhako le ho feta. A matha
25 "Malekupa; a matha a b'a ea tlolela ka nokeng. Ha a fihla ka teng, a se ke a hlola a sa its'oanya ka ho qamaka ka mahohle, empa a itahlela ka metsing ka lieta. Ketsong eo ea ho tabola letata la Tsoinyane ka lieta, a hata lejoe le bolele, a thella 'me hang a re phakha har'a metsi. Moo a oeleng teng a se ke a mamella, a bitsoa ka mose a khasa ka maoto le matsoho, mose o motle-motle o re tee ke metsi ebile
30 o le lirtse. Maqeba a ho phumoha a qabana le metsi 'meleng oa hae, meomo le litsoe tsa mo opela.

THABONANA MAFATA: MOSIKONG OA LERATO 1996

HOJA KE KHELEKE

- 1(b) Liroki lea roka lea lebala!
Hoja ke kheleke nka be ke roka.
Ke roke bao le ba lebetseng;
Ke ba roke ka toka le ka 'nete.
- 5 Bopepele ke bona bo ntsietsa
Bopepele ba nts'oetsa ke le seemeng.
- Hoja ke kheleke nka be ke roka
Ke roke batsoali bo-'m'e basali;
Ke ba roke ke bue 'nete ea Molimo,
- 10 Ke bue 'nete ea Molimo le batho.
Ke roke basali khalala tsa sebele.
Likhalala tsa sebele ho tloha tlholehong.
- Hoja ke kheleke nka be ke bua.
Ke bue ka basali ho ba phafa;
15 Ke bue tsa bona ke sa ts'abe.
Tsa bona ruri ke tsa bahale,
Bahale ba matla ntoeng ea bophelo;
Ntoa e hlotseng banna likoankoetla.
- Hoja ke kheleke nka be ke hooa.
20 Ke hooe ka ntsoe le phefa metseng.
Ke phatlalatse 'nete feela ka basali,
Ke hooe haholo ea utloang a utloe,
Ke thoholetse bokhabane ba basali.
Bokhabane ba 'nete lipuong le liketsong.
- 25 Hoja ke kheleke nka be ke ithoka.
Ke ithoke ka bona bo-'me basali;
Ke ithoke ke ba fe tlotla ea sebele.
Fubeng tsa bona ho tsoa limomonyane,
Batho re antse la mosali letsoele.
- 30 Re tjee, re tjee ka bo-'m'e basali.

E.S. MOROJELE – HOJA KE KHELEKE 1995

KAROLO B

Ngola thapholiso ka se le seng sa lihloho tse latelang. U tlameha ho amahanya karabo ea hau karolong ena bonyane le lingoloa tse peli tsa Karolo ea Boraro tseo u ithutileng tsona. Ts'ebeliso ea lingoloa tse ling tse kathoko e lumcletsoe feela u se e etse karolo ea mantlha ea karabo ea hau.

Bongoana Kholo le Bocha

2 Ngola ka:

- a) Hlakisa bohlokoa ba ho sebelisa pheteletso ea lietsahala bo sebelisitsoeng ke lingoli ho fetisa melaetsa ea tsona. U be u bonts'e hore na ts'ebeliso ena e bile molemo hakae lingoloeng tseo.

KAPA

- b) Ke maqiti afe a fapaneng a sebelisitsoeng ke lingoli ho hlahisa bophelo ba bana ba sa holisoeng ke batsoali ba bona.

Borena le Puso

3 Ngola ka:

- a) Hlakisa ts'ebeliso ea matla a mosali boreneng le pusong u be u bonts'e hore na e atlehile hakae lingoloeng tseo u ithutileng tsona.

KAPA

- b) Qaqisa hore na Lingoli li atlehile ho le hokae ho hlahisa baetapele ba bang ba sebelisa sechaba ho phethahatsa merero ea bona lingoloeng tseo u ithutileng tsona.

Makhooeng

4 Ngola ka:

- a) Tlhahiso ea basali Makhooeng e fapane kapa e ts'oana joang le tlhahiso ea banna Lingoloeng tseo u ithutileng tsona.

KAPA

- b) Lingoli li sebelisitse botlokotsebe ba bocha joang ho fetisa melaetsa ea tsona 'me li atlehile ho le hokae lingoloeng tseo u ithutileng tsona.

Bophelo ba Lenyalo

5 Ngola ka:

- a) Hlakisa hore na ts'ebeliso ea likamano tsa batho e atlehisitse lingoloa tseo u ithutileng tsona hakae.

KAPA

- b) “Pelo ea motho ke boliba bo tebileng”. Ak’u ts’ehetse kapa u hanane le maikutlo ana u sebelisa lingoloa tseo u ithutileng tsona.

Hisitori ea Lesotho

6 Ngola ka:

- a) Qaqisa kamoo puso ea bompoli le bomenemene hangata e qetellang ka ts’ollo ea mali lingoloeng tseo u ithutileng tsona.

KAPA

- b) Bapisa lingoloa sehlopheng sena ‘me u bonts’e sengoloa seo u nahanang hore se tla lula se ratoa, u be u hlakise hore na hobane’ng.

